

Bataaki **Yuhanna arano**

Haala Konngol dokkoowol yimbe nguurndam

¹ Miden mbinndana on haala neddo goodudo gila puddoode.* Min nanii haala makko, min njiirii mo gite amen, min taykike mo, min memirii mo juude amen. Kanko woni Konngol dokkoowol yimbe nguurndam. ²Nguurndam dam 6annginaama min njii dam, dum saabii so siden kaalana on haala majjam. Dam nguurndam nduumiidam ngondam do Baabiraado dam min 6annginanaa, dam min kaalanta on haala mum jooni. ³Ndennoo, ko min njii e ko min nani min kaalanta on onon duu, yalla odon ndeentira e amen hono no min ndeentiri e Baabiraado e Biyum Iisaa Almasiihu nii. ⁴Dum min mbinndanta on, yalla seyo men ana hibba.

No Laamdo holliri yo fooyre

⁵ Kabaaru mo min narri Almasiihu, mo min kaalanta on haala mum oo, annii: Laamdo yo fooyre, nimre fuu walaa e mum. ⁶ So en mbii eden ndeentii e makko, kaa tawee e nimre ngon-den, en penii, goonga walaa e golle men. ⁷ Kaa so e fooyre nguur-den no o worri e fooyre kanko e hoore makko nii, nden en ndeentii enen e ko'e men, kasen duu yiyyam Biyiko Iisaa labbinan en e tuundi fuu.

* **1:1** Goodudo gila puddoode oo yo Iisaa. (Yeew Linjiila ngedu Yuhanna 1.1-18 duu.)

⁸ So en mbii en luuttaali, en njaayrii ko'e men, en ngalaa e goonga. ⁹ Kaa so en njaadiranii Laamđo luutti men, o yaafoto en, o lađđina en e tuundi fuu. Sabi kanko, o koolniido, o pooccitiido. ¹⁰ So en mbii en luuttaali, en njogorike Laamđo yo penoowo, konngol makko naataali e men.

2

No Almasiihu laatorii ballo men

¹ Sukaabe am, mi winndanii on dum, pati on luuttu. Kaa so won luuttudo, eden njogii balloovo do Baabiraado, oo woni Iisaa Almasiihu pooccitiido oo. ² Kanko hokkitiri yonki makko yalla luutti men ana njaafee, wanaa luutti men enen tan, luutti aduna oo fuu.

Haala yidondirde

³ Ko anndinta en eden anndi Laamđo dee, haybude jamiroje mum. ⁴ Biido «mido anndi mo», tawa haybataa jamiroje makko, joomum yo penoowo, walaa e goonga. ⁵ Kaa kaybudo konngol Laamđo ngol, jilli Laamđo ana kibbi e mum jaati. Nii anndirten eden niibi e makko. ⁶ Biido ana niibi e makko, ana haani wuurdada no Almasiihu wuurdunoo nii.

⁷ Sakiraabe am horsube, ko mbinndan-mi on koo wanaa yamiroore heyre, yo yamiroore booynde nde keb-don gila arannde. Nden yamiroore booynde woni konngol ngol nan-don ngol.* ⁸ Dum e taweede, yamiroore booynde nde mbinndan-mi on ndee, nde heyre duu, goonga mayre ana bannga e Almasiihu, ana bannga e

* ^{2:7} Yamiroore ndee yo yidondirde.

mon, onon duu. Sabi nimre ana timma, fooyre jaati ndee tawi fuddii yaaynude. ⁹ Biido e fooyre woni, tawi ana waji sakiike mum, oo kaa e nimre woni faa hannde. ¹⁰ Jiddo sakiike mum e fooyre woni, walaa ko fergitata dum. ¹¹ Bañudo sakiike mum e nimre woni ana wummbiloo, anndaa to yahata sabi nimre wumnii dum.

Haala waasude yidude aduna

¹² Sukaabe, mido winndana on
sabi luutti mon njaaforaama saabe Almasi-
ihu.

¹³ Baabiraabe, mido winndana on
sabi odon anndi goodudo gila e puddoode oo.

Jokolbe, mido winndana on
sabi on njaalike Ibiliisa Bondo oo.

¹⁴ Sukaabe, ko mbinndiran-mi on dee,
saabe odon anndi Baabiraado.

Baabiraabe, ko mbinndiran-mi on dee,
saabe odon anndi goodudo gila e puddoode oo.

Jokolbe, ko mbinndiran-mi on dee,
saabe odon njogii semmbe,
konngol Laamdo ngol jiiibii e mon,
kasen duu on njaalike Bondo oo.

¹⁵ Pati njidee aduna, kajum e ko woni e mum
fuu. Sabi jiddo aduna waawaa yidude Baabiraado.

¹⁶ Sabi huunde fuu ko woni e aduna banngal
gidaade yonki e ko darii e yitere e haawtaade
banngal jawdi, jeyaaka e Baabiraado, dum fuu
e aduna jeyaa. ¹⁷ Aduna e muuyooji mum fuu
timman, kaa gadoowo sago Laamdo duumoto faa
abada.

Jeertaango dow konnee'en Almasiihu

18 Sukaabe am, timmoođe aduna oo 6adike. On nanii konnee-Almasiihu waran. Haya, jooni konnee'en-Almasiihu heewbe annii. Dum anndir-den timmoođe dee. **19** E men jaati be iwata, kaa be njeyanooka e men. Sabi kambe, sinndo e men be njeyanoo, be keddodotono e men. Kaa dum hollata kambe be fuu be njeyanooka e men. **20** Kaa onon, Almasiihu hokkii on Ruuhu Ceniido, on fuu ođon anndi goonga. **21** Mi winndiranaali on saabe on anndaa goonga. Ko mbinnadiran-mi on dee, saabe ođon anndi goonga. Kasen duu ođon anndi fenaande fuu walaa e goonga. **22** Ndennoo, homo woni penoowo? Jeddudo Iisaa yo Almasiihu, kajum woni penoowo.† Jeddudo Baabiraado e Bajjo oo fuu yo konnee-Almasiihu. **23** Sabi jeddudo Bajjo oo walanaa Baabiraado oo, ceedaniido Bajjo oo fuu ana woodani Baabiraado oo duu. **24** Onon, tiidee e ko nan-don gila arannde koo. Haala ka nan-don gila arannde kaa, so jiibii e mon, onon duu on jiiban e Bajjo oo, on jiiban e Baabiraado oo. **25** Kasen duu, ko Almasiihu fodani en dee, nguurndam nduumiidam.

26 Mi winndanii on dum banngal yimbe majji-noobe on. **27** Kaa onon, Ruuhu Ceniido mo o hokki on oo, ana jiibi e mon, fotaa ko njanngine-don. Sabi Ruuhu makko oo jannginta on huunde fuu, kanko Ruuhu oo goonga o jannginta on, wanaa fenaande. Ndennoo, jiibee e Almasiihu no Ruuhu mum oo jannginiri on nii.

No laatori-den bibbe Laamđo

† **2:22** So nedđo yeddii Iisaa yo Almasiihu, yeddii o kaananke, yeddii o kisinoowo duu.

²⁸ Jooni sukaabé am, niibée e Almasiihu, yalla eden ndardoo yeeso makko rafi kulol, pati kersen nannde gartol makko. ²⁹ So on anndii Laamdo yo pooccitiido, tayoree mo golleeji mum pooccitii fuu yo biiyiko.

3

¹ Yeewee no Baabiraado foti yidirde en, faa noddire-den biibbe Laamdo. En biibbe mum jaati. Ko hadi aduna oo anndude en dee, o anndaa Baabiraado. ² Sakiraabé am horsubé, jooni en biibbe Laamdo. Ko laatoto-den koo, 6annginaaka tafon. Kaa eden anndi nde Almasiihu 6anngii, en nanndan e mum, sabi en njiyan mo kanko e hoore makko no o worri nii jaati. ³ Joonndoriido düm e makko fuu, la66iniran hoore mum no Almasiihu laabiri nii.

⁴ Golludo ko boni fuu, luuttii Sariya Laamdo. Sabi gollude ko boni yo luuttude Sariya. ⁵ Odon anndi Almasiihu 6anngirii faa roondanoo en luutti men. Kapum, luutti ngalaa e mum. ⁶ Niibudo e makko fuu, heddataako e luutti. Luuttoowo fuu, yiyaali mo, anndaa mo.

⁷ Sukaabé am, pati fay gooto majjina on! Gol-loowo ko fooccitii yo pooccitiido, hono no Almasiihu worri yo pooccitiido nii. ⁸ Kaa luuttoowo yo neddo Ibiliisa, sabi Ibiliisa ana luutta gila e puddoode. Saabe majjum Bii Laamdo oo wardi faa halka golleeji Ibiliisa. ⁹ Laatiido bii Laamdo fuu heddataako luuttude, sabi Ruuhu Laamdo ana niibi e mum. Joomum waawaa heddaade luuttude, sabi yo bii Laamdo. ¹⁰ Ko seenndata biibbe

Laamdo e 6i66e Ibiliisa dee, mo gollataa ko fooccitii fuu, wanaa neddo Laamdo. Mo yidaa sakiraabe mum duu, hono non worri.

Haala jilli

¹¹ Oo woni kabaaru mo nan-don gila arannde oo: njidondiren. ¹² En kaanaa wa'ude no Kaabila jokkuudo Ibiliisa Bondo oo so wari mijnum nii. Koosum wadi so o wari dum? O wardii dum kam mari golle makko yo bondo, mo mijiko oo kaa yo lobbo. ¹³ Ndennoo sakiraabe, pati kaayne-don so aduna oo wajii on. ¹⁴ Ko njid-den sakiraabe men koo, bannginani en en njaalike maayde, en naatii e nguurndam. Mo yidaa sakiike mum fuu, heddiike yo maaydo. ¹⁵ Neddo fuu bajudo sakiike mum, jaadii hoore. Odon anndi jaadudo hoore, nguurndam nduumiidsam walanaa dum.

¹⁶ No anndirten ko woni jilli dee, Almasiihu hokkitirii yonki mum kammari men. Ndennoo enen duu, eden kaani hokkitirde yonkiji men kammari sakiraabe men. ¹⁷ So jogiido nguure hitaande yii sakiike mum yo kasindindo, yurmaaki dum, hono jilli Laamdo mbaawiri niibirde e mum? ¹⁸ Sukaabe am, pati jilli men laato haala bola tan, njidiren golle e goonga. ¹⁹⁻²⁰ Nii anndirten e goonga ngon-den. Kasen duu so berde men pelii en, en mbaaltinan de yeeso Laamdo, sabi Laamdo buri de manngu, kanko woni anndudo huunde fuu.

²¹ Ndennoo sakiraabe am horsube, so nii berde men pelaali en, en tawdataake e kulol yeeso Laamdo, ²² o hokkan en ko jaagi-den mo fuu, sabi en kaybii jamirooje makko, eden ngada ko

weli mo. ²³ Yamiroore makko yo goondinde Iisaa Almasiihu Biyiiko oo, kajum e yidondirde hono no o yamiri en nii. ²⁴ Kayboowo jamirooje Laamdo fuu, ana jiiibi e Laamdo, Laamdo duu ana jiiibi e mum. Ruuhu mo o hokki en oo, kajum anndinta en omo jiiibi e men.

4

Haala Ruuhu goonga e ruuhu majjere

¹ Sakiraabe am horsube, baajotoodo fuu biido Ruuhu Laamdo ana e mum, pati ngoondinee dum faa koron yalla Ruuhu Laamdo jaati woni e mum naa wanaa. Sabi annabaabe peneebe heewbe caakike e aduna oo. ² Annii no anndirton Ruuhu Laamdo ana e neddo: jabudo Iisaa Almasiihu warii laatike neddo fuu, oon, Ruuhu Laamdo ana e mum. ³ Kaa mo jabanaali Iisaa fuu, Ruuhu Laamdo walaa e mum. E konnee-Almasiihu iwi. On nanii haala garol konnee-Almasiihu oo. Oon, ana ley aduna oo gila jooni. ⁴ Sukaabe am, onon, on yimbe Laamdo, on njaalike annabaabe peneebe bee. Sabi Ruuhu gondo e mon oo buri semmbe dina gondo e aduna oo. ⁵ Been annabaabe peneebe, be adunankoobe. Saabe majjum, haala mbonka be kaalata, aduna oo ana hettinanoo be. ⁶ Enen, en yimbe Laamdo, anndudo Laamdo fuu hettinanto en. Mo wanaa neddo Laamdo hettinantaako en. Nii ceenndirten Ruuhu goonga e ruuhu majjere.

Haala jilli Laamdo

⁷ Sakiraabe am horsube, njidondiren, sabi jilli e Laamdo iwi. Mo jilli ngoni e mum fuu yo bii Laamdo, ana anndi Laamdo. ⁸ Mo jilli ngalaa e

mum oo anndaa Laamdo, sabi Laamdo e hoore mum jaati anndini en ko woni jilli. ⁹ Ko Laamdo bannginirani en jilli mum dee, ko o neli BiyiikoBajjo ley aduna oo koo, yalla eden kebira nguurndam saabe mum.

¹⁰ Ko njidu-den Laamdo koo anndintaa en jilli. Ko anndinta en jilli dee, Laamdo yidi en. E ley jilli makko dii o nelii Biyiiko faa hokkitira yonki mum yalla luutti men ana njaafee. ¹¹ Sakiraabe am horsube, ko Laamdo yidiri en nii koo, enen duu, eden kaani yidondirde. ¹² Fay gooto yiyaali Laamdo abada. So en njidondirii, Laamdo niiban e men, kasen duu jilli mum kiibii e men.

¹³ Hono anndirten eden niibi e makko, kanko duu omo niibi e men? Ko o hokki en Ruuhu makko oo koo. ¹⁴ Minen e ko'e amen, min njii Bajjo oo, miden kaalana on Baabiraado oo neli mo faa o hisina aduna oo. ¹⁵ Jaabudo Iisaa yo Bii Laamdo fuu, Laamdo niiban e mum, kajum duu niiban e Laamdo. ¹⁶ Enen, en anndii jilli di Laamdo yidi en dii, en koolike di. Laamdo e hoore mum jaati anndini en ko woni jilli. Niibudo e jilli fuu, e Laamdo niibi. Laamdo duu niiban e mum. ¹⁷ No Almasiihu wa'i nii, hono non enen duu kaan-den wa'ude e oo doo aduna. Nii woni no jilli dii kiibiri e men, pati kulen nannde darngal. ¹⁸ Kulol walaat ley jilli, jilli kiibudi ittan kulol. Sabi kulol yo jukkungo doomi, kasen duu gondudo e kulol fuu, jilli Laamdo kiibaaali e mum. ¹⁹ Enen, ko o adii yidude en koo, wadi so njidondir-den. ²⁰ Biido «mido yidi Laamdo», so tawi ana waji sakiike mum, yo penoowo. Sabi mo yidaali sakiike mum mo yiyata, waawaa yidude Laamdo mo yiyaali.

21 Jiddo Laamdo fuu, yo yidu sakiike mum duu. Ndee doo yamiroore, Almasiihu waddani en dum.

5

Haala goondinde Bii Laamdo

1 Goondindo Iisaa woni Almasiihu fuu laatike bii Laamdo. Jiddo saaraa fuu, yidan siyiiko duu. **2** No anndirten eden njidi biibbe Laamdo dee, ko njiden Laamdo so njokku-den jamirooje mum koo. **3** Sabi haybude jamirooje makko woni yifude mo. Jamirooje makko nganaa donngal, **4** sabi ko iwi e Laamdo fuu, jaaloto gidaade yonki. Goondinal men njaalorto-den de.

5 Homo jaalotoo gidaade yonki? Walaa fuu jaalotodo gidaade yonki so wanaa goondindo Iisaa woni Bii Laamdo. **6** Oon woni Iisaa Almasiihu gardudo e ndiyam e yiiyam.* Wanaa e ndiyam tan o wardi, o wardii e ndiyam e yiiyam fuu. Ruuhu oo duu hollata dum, sabi Ruuhu oo woni goonga. **7** Sabi kulle tati ana kolla Iisaa woni Almasiihu, **8** dum woni Ruuhu e ndiyam e yiiyam, seedaaku majje oo duu yo gooto. **9** Eden njaba seedaaku yimbe, kaa seedaaku Laamdo oo buri semmbe. Sabi kanko woni mo Laamdo haali haala Biyum. **10** Goondindo Bii Laamdo, hebii oon seedaaku e ley bernde mum. Mo goondinaali Laamdo, kajum jogorike Laamdo yo penoowo, sabi jabaali seedaaku mo Laamdo haali haala Biyum oo. **11** Dum woni seedaaku oo: Laamdo hokkii en nguurndam nduumiidam, dam nguurndam ana e Biyiko oo. **12** Goodando Bii Laamdo

* **5:6** Ndiyam dam woni ndiyam lootagal batisima.Yiiyam dam ana hollita maayde Iisaa.

oo fuu, hebii nguurndam ðam. Mo walanaa ðum, hebaali ðam.

Baynondiral

¹³ Onon goondinþe Bii Laamdo oo 6ee, mi windanii on ðum, yalla oðon tayora on keþii nguurndam nduumiidam. ¹⁴ Eden njogii indee hoolaare ðo makko: so en nduworike huunde hakke muuyde makko, o jaabanto en. ¹⁵ Eden anndi en keþii ko nduwi-den koo, nde wonnoo eden anndi omo jaabanoo en duwaawu men.

¹⁶ Ndennoo, so won jiido sakiike mum ana luutta luuttal ngal waddantaa nedðo maayde, o naaganoo ðum Laamdo, Laamdo duu hokkan ðum nguurndam. Kaa won luuttal gaddowal maayde. Mi wiyaali naagoro-don saabe ngal luuttal. ¹⁷ Oojaare fuu yo luuttal, kaa wanaa luuttal fuu waddata maayde.

¹⁸ Eden anndi 6ii Laamdo fuu heddataako e luutti, sabi Bii Laamdo oo ana hayba nedðo oo, Iibiliisa Bondo oo memataa mo.

¹⁹ Eden anndi en yimþe Laamdo, aduna oo fuu annii e maral Bondo oo.

²⁰ Eden anndi Bii Laamdo warii, hokkii en hakkille mo anndiren deweteedo goongaraajo oo. Jooni eden njeyaa e goongaraajo oo, sabi eden niibi e Biyiiko Iisaa Almasiihu. Kanko woni Laamdo goongaraajo oo, kanko woni nguurndam nduumiidam. ²¹ Sukaabe am, ndeenee ko'e mon e deweteedo godðo.

Aadi keyri: linjiila iisaa almasiihu New Testament in Fulfulde, Maasina

copyright © 2005 Wycliffe Bible Translators, Inc.

Language: Maasina Fulfulde (Fulfulde, Maasina)

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2005, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Fulfulde, Maasina

© 2005, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 11 Nov 2022 from source files
dated 29 Jan 2022
680239a9-8aa6-5bc3-b42f-dc560bee09b8